

立永杜盡根退耕字人吳德龍、吳德鳳，有承父全六股內佃首徐超琨等合本明給三社屯番荒埔壹處，公全拈鬮立約均分。德、龍等父吳育新，拈得荒埔第貳鬮，址在萬斗六新興庄南勢番社前西勢。自出工資本，開通大小圳水灌溉充足，用力墾闢成田，經官并屯弁合全明文寔田貳甲陸分正。逐年配納屯番大租粟貳拾碩捌斗正。東至番社前水溝界，西至阿罩霧大圳界，南至徐超俊田界，北至番地田界，四址俱各踏明爲界。今因別置乏銀，自情願將承父六股內合本明給，自墾闢之水田欲退耕。先儘問房親及至親叔兄弟姪人等不欲承受，外托中引就送退與賴亦閩報天際等全出首承耕。當時三面議定，出埔地墾闢水田工資本銀陸百零肆大元正。其銀字隨即全中見交收足訖明白。其田隨時踏交付銀主前去起耕招佃、收稅納番屯大租掌管，永爲己業。保此田果係德、龍等承父與六股內全合本承給三社屯番，自出工資開墾成田之業，與別房親及至親叔兄弟姪人等無干，並無上手來歷交加，六股內給墾三社屯番及拖欠大租，重典他人財物并欠公費各等情。如有此等弊，德龍鳳兄弟等全出首一力抵當，不干銀主之事。此田自退耕以後，至及子子孫孫，永斷葛藤，終不敢生端異言找洗增贖情弊滋事。此係二比甘願，各無抑勒反悔。今欲有憑，立永杜盡耕退耕字壹紙，併繳六股內合約壹紙，共貳紙，付執永遠爲炤。

即日收過盡根退耕契內埔底工資價本佛銀陸百零肆大員正完足再炤

批明：內添均字、界字等字共叁字，批的明炤。

代筆堂伯吳來新(花押)

爲中人

徐開伯(花押)

爲中人

賴英生(花押)

知見人吳育登(花押)

堂兄 德禮(花押)

德瑞(花押)

在場見祖母吳□氏(花押)

母親吳徐氏(花押)

祖叔吳梓行(花押)

堂叔吳瑞新(花押)

吳華新(花押)

吳孔新(花押)

吳炳新(花押)

吳揚新(花押)

嘉慶捌年捌月



日立永杜盡根退耕字人吳
德龍(花押)
德鳳(花押)